



UNIVERSITÄTS-
BIBLIOTHEK
PADERBORN

Notitia Congregationum Et Tribunalium Curiae Romanæ

Plettenberg, Hunold

Hildesii, 1693

Cap. XXVIII. De Congregatione Visitationis Apostolicæ.

[urn:nbn:de:hbz:466:1-63032](https://nbn-resolving.org/urn:nbn:de:hbz:466:1-63032)

emergentia, quæ ad Fidei dogma non pertineant (Romano Pontifice tamen circa graviora, difficilioraque Consulto) expediendi.

2. Si vero abusus aliqui circa Indulgentias aut Reliquias irrepsissent, illos, iudicii formâ plane postposita, corrigendi, & emendandi; causas vero iudicialem formam requirentes ad proprios Iudices remittendi: Falsas, Apocryphas, indiscretasque Indulgentias typis imprimi vetandi, impressas recognoscendi, & examinandi, ac ubi Romano Pontifici retulerit, illius auctoritate rejiciendi; Reliquias de novo inventas recognoscendi & examinandi; ac in concedendis Indulgentiis, Sanctorumque reliquiis donandis moderationem adhiberi, omniaque, piè, sanctè, & incorrupte fieri curandi potestatem ab eodem Pontifice accepit.

CAPUT XXVIII.

De Congregatione Visitationis Apostolicæ.

1. *Clemens VIII. indixit visitationem Ecclesiarum per se in Urbe instituendam.*

2. *Item*

1. Idem fecit Urbanus VIII. & demandavit Visitationem nonnullis Episcopis cum quibusdam facultatibus.

2. Constituit Secretarium Visitationis & facultates concessit.

3. Sicque ab Urbano VIII. instituta est hæc Congregatio; Qui eam ingrediantur.

4. Hanc Congregationem restauravit Alexander VII.

5. Cui diversas dedit facultates, ejusque Secretarium, & Actuarium constituit.

6. Deputavit quoque Judicem & Fiscalem.

7. Statuta hujus Congregationis non faciunt legem universalem, possunt tamen esse Regula reliquis Episcopis.

I.

Cum juxta Canones ac præcipuè præscriptum Concilii Tridentini Episcopi teneantur quotannis vel ipsimet, si commode possint, vel per Vicarios suos aliosve idoneos Viros visitare Dioceses sibi commissas, indixit Clemens VIII. tanquã Urbis Romanæ ejusque districtus particularis Episcopus Anno 1592. per Constitutionem 8. Speculatores Visitationem omnium Ecclesiarum, Monasteriorum, & locorum piorum almæ Urbis per

per se instituendam, delectis ad hoc opus adiutoribus nonnullis S.R.E. Cardinalibus & Episcopis.

2. Subinde Urbanus VIII. insistens Clementis aliorumque Prædecessorum suorum vestigiis *Constit.* 15. *Militantem* similem indixit Anno 1624. *Visitacionem*, nec non orationem quadraginta horarum cum Indulgentiarum elargitione pro fructuosa dictæ *Visitacionis* directione. Demandavit etiam, *Constit.* *Cupientes* Archi-Episcopo Theatino & nonnullis Episcopis, ut visitent nomine Pontificis in Parochialibus Ecclesiis infirmos existentes, eisq; eleemosynâ elargiendi, & dedit *Const.* *Quoniam* iisdem *Visitato*ribus facultatem cognoscendi causas quascunque etiam criminales absque irregularitatis incurso, atque etiam *Const.* *Officii nostri* concessit indultum exercendi ubique Pontificalia, aliasque per constitutionem. *Cum in pastoralis* complures facultates.

3. Deputavit etiam idem Pontifex *Const.* *Rerum* Secretarium hujus *Visitacionis*, cum facultate exercendi omnia, quæ ad hoc munus quomodolibet spectare possunt, mandavitque *Ordinationibus* seu *Decretis* dicti Secretarii manu & Sigillo

gillo munitis fidem omnino dari tam in
iudicio, quam extra; Præterea *Const.*
Ut in prosequendo facultatem concedit Vi-
sitoribus avocandi ad se quascunque
causas occasione hujus Visitationis in aliis
Tribunalibus & coram aliis Judicibus an-
tea cæptas, vel instructas, ac in statu,
in quo tunc reperientur.

4. Sicque ab Urbano VIII. Congre-
gatio hæc Visitationis Apostolicæ insti-
tuta est, pro qua præter Prælatos certus
quoque numerus Cardinalium delectus
fuit, teste De Luca *Relat. Rom. Cur. disc.*

24. Fixum in ea Congregatione locum
habent Vicarius, ejusque Vicesgerens,
qui ordinarius est Judex & Executor
Decretorum Congregationis, procedit-
que forma extrajudiciali & summaria,
ac omnia gratis efficit. Quandoque etiam
committitur Vicesgerenti, ut in for-
ma judiciaria, auditis partibus, pro-
cedat.

5. Congregationem illam postea An-
no 1656. restauravit Alexander VII, &
pro habenda in Palatio Apostolico con-
stituit nonnullos Cardinales & Prælatos
aliosque, qui Ecclesias & pia loca in
Urbe ac districtu Romano visitent, ut
defectus, negligentia & abusus in iis
cor-

•corrigantur, eaque promoveantur, quae ad decorem Ecclesiarum, ad observantiam Officii Divini, ad adimplendam obligationem dicendi Missas, ad disciplinam regularem observandam, ad administrationem bonorum & reddituum Ecclesiarum, piorumque locorum, ad reformandos mores, aliaque similia conducere & spectare videbuntur.

6. Eamque in finem diversas concessit eodem Anno facultates Cardinalibus Visitationibus *Const. 15. Cum in pastoralis & nominavit Secretarium S. Visitationis per Breve: Rerum, & Cancellarium, seu Actuarium causarum per Constitutionem: De singulari. Deinde potestatem dedit Cardinalibus Visitationibus exercendi Pontificalia. Const. Officii, vocandi causas occasione Visitationis pendentes. Const. ut in prosequendo, immiscendi se in criminalibus Const. Quoniam.*

7. Demum deputavit Judicem S. Visitationis. *Const. ut ea & Commissarium seu Fiscalem. Const. De tua, ac concessit Const. Alias facultatem Congregationi, & Judici S. Visitationis standi simplici indicationi Scripturarum &c. & Judici procedendi absque voto Congregationis*

tionis usque ad Sententiam &c. exclu-
sivè.

8. Per hanc Congregationem visitat
Papa, non ut Papa est, & Pastor uni-
versalis Ecclesiæ, sed ut Episcopus est
particularis Urbis & Diocesis Romanæ,
proindeque quæ in ea Visitatione statu-
untur, & ordinantur, non conficiunt
legem generalem pro universo Orbe.
Possunt hæc tamen, & debent norma
esse, & regula reliquis Episcopis, & Or-
dinariis, juxta quam in Visitationibus De-
creta sua, & ordinationes forment, *card.*
de Luca disc. 61. n. 9. de Regul.

CAPUT XXIX.

De Congregatione pro Ere-
ctione Ecclesiarum, & Pro-
visionibus Consistoria-
libus.

1. *In quem finem instituta sit hæc Congregatio.*
2. *Quod sit munus illius.*

I.

Instituit Sixtus V. *Const. 74. Immensa.*
Congregationem Cardinalium pro ere-
ctione

A a a

etione